



**NARODNO  
POZORIŠTE  
SARAJEVO**

Bosna i Hercegovina  
Federacija Bosne i Hercegovine  
Kanton Sarajevo  
JU Narodno pozorište Sarajevo  
Obala Kulina Bana 9  
tel: +387 33 445 138  
e-mail: [ureddirektora@nps.ba](mailto:ureddirektora@nps.ba)  
website: [www.nps.ba](http://www.nps.ba)  
**UPRAVNI ODBOR**  
Sarajevo, 29.05.2023.godine  
Broj: 05-3468/23

## **Z A P I S N I K**

**Sa pedeset pete, redovne sjednice Upravnog odbora  
JU Narodno pozorište Sarajevo  
održane 29.05.2023.godine**

**Prisutni: Edina Papo, predsjednica; Amila Ramović, članica; Selma Dalipagić, članica; Mirza Pašić, Riad Ljutović, član (ispred ustanove) Edin Mustafić, direktor i Lejla Bračković, rukovodilac EPS**

Za sjednicu predložen i usvojen sljedeći:

### **DNEVNI RED:**

1. Zapisnik sa pedeset četvrte sjednice Upravnog odbora (broj: 05-3270/23) od 18.05.2023.godine
2. Rješenje o razrješenju Aleksandra Seksana, člana ispred ustanove Upravnog odbora Javne ustanove Narodno pozorište Sarajevo, na lični zahtjev (broj: 02-04-22103-37.1/23) od 18.05.2023.godine
3. Rješenje o imenovanju vršioca dužnosti Riada Ljutovića, člana ispred ustanove Upravnog odbora Javne ustanove Narodno pozorište Sarajevo (broj: 02-04-22103-37.2/23) od 18.05.2023.godine
4. Presuda Općinskog suda (broj: 65 OP 41675 14.P.2) od 27.05.2022.godine i Presuda Kantonalnog suda (broj: 65 O P 416675 22 GŽ 2) od 22.02.2023.godine u predmetu naknade uloženi sredstava tužitelja Mirsada Bećirbašića, penzionera Narodnog pozorišta
5. Informacija o tužbama (broj: 05-3435/23) od 26.05.2023.godine
6. Žalba Mirnesa Hodžića (broj: 3097/23) od 16.05.2023.godine na Odluku (broj: 05-3033/23) od 12.05.2023.godine o rezultatima javnog oglasa za popunu radnog mjesta: portir 1 izvršilac na neodređeno vrijeme i Odgovor na prigovor kandidatu Mirnesu Hodžiću od Komisije za prijem u radni odnos na radno mjesto: portir (broj: 03-3389/23) od 24.05.2023.godine
7. Odluka o raspisivanju javnog oglasa za prijem u radni odnos na neodređeno vrijeme u Javnoj ustanovi Narodno pozorište Sarajevo u Uredu

direktora za radno mjesto: Lektor – 1 izvršilac.  
U skladu sa Odlukom Vlade Kantona Sarajevo o davanju saglasnosti Javnoj ustanovi Narodno pozorište Sarajevo za popunu upražnjenog radnog mjesta (broj: 02-04-19964-10/23) od 11.05.2023. godine

8. Usvajanje liste zvanica za premijeru i prvu reprizu baletne predstave (broj: 04A-3463/23) od 26.05.2023.godine
9. Tekuća pitanja

Sjednicom predsjedavala Edina Papo, predsjednica Upravnog odbora.

**1. Zapisnik sa pedeset četvrte sjednice Upravnog odbora (broj: 05-3270/23) od 18.05.2023.godine**

Upravni odbor usvaja Zapisnik sa pedeset četvrte sjednice Upravnog odbora (broj: 05-3270/23) od 18.05.2023.godine.

**2. Rješenje o razrješenju Aleksandra Seksana, člana ispred ustanove Upravnog odbora Javne ustanove Narodno pozorište Sarajevo, na lični zahtjev (broj: 02-04-22103-37.1/23) od 18.05.2023.godine**

Aleksandar Seksan razrješava se dužnosti člana ispred ustanove Upravnog odbora Javne ustanove Narodno pozorište Sarajevo, na lični zahtjev, a u skladu sa Rješenjem Vlade Kantona Sarajevo (broj: 02-04-22103-37.1/23) od 18.05.2023.godine.

**3. Rješenje o imenovanju vršioca dužnosti Riada Ljutovića, člana ispred ustanove Upravnog odbora Javne ustanove Narodno pozorište Sarajevo (broj: 02-04-22103-37.2/23) od 18.05.2023.godine**

Riad Ljutović imenuje se za vršioca dužnosti člana ispred ustanove Upravnog odbora Javne ustanove Narodno pozorište Sarajevo, najviše na period od tri (3) mjeseca, a u skladu sa Rješenjem Vlade Kantona Sarajevo (broj: 02-04-22103-37.2/23) od 18.05.2023.godine.

**4. Presuda Općinskog suda (broj: 65 OP 41675 14.P.2) od 27.05.2022.godine i Presuda Kantonalnog suda (broj: 65 O P 416675 22 Gž 2) od 22.02.2023.godine u predmetu naknade uloženi sredstava tužitelja Mirsada Bećirbašića, penzionera Narodnog pozorište**

Izvjestilac Lejla Bračković

Predmetni stan je koristio Mirsad Bećirbašić. Pozorište nije osporavalo korištenje, a imenovani isti nije mogao otkupiti, ali je prije napuštanja stan adaptirao. Iznos ulaganja je umanjen za troškove grijanja. Stan je uslovan i vraćen Narodnom pozorište, bez mogućnosti dodjele, ali uz mogućnost privremenog smještaja gostujućih umjetnika i stranaca.

Upravni odbor u skladu sa Presudom Općinskog suda (broj: 65 OP 41675 14.P.2) od 27.05.2022.godine i Presudom Kantonalnog suda (broj: 65 O P 416675 22 Gž 2) od 22.02.2023.godine donosi odluku

4.1. Odobrava se plaćanje po Presudi Kantonalnog suda (broj: 65 OP 416675 22 Gž 2) od 22.02.2023.godine u na ime naknade neophodnih troškova učinjenih radi adaptacije stana Narodnog pozorišta koji se nalazi u Sarajevu u ulici Trg ZABNOBiHa tužitelju Mirsadu Bećirbašiću, penzioneru Narodnog pozorište u iznosu od 6.932,52 KM sa zateznom kamatom počev od 06.03.2014.godine pa sve do isplate.

4.2. Narodno pozorište nema planirana sredstva i predlaže se postupiti po preporuci Nadzornog odbora – izvršiti preraspodjelu sa budžetskih pozicija investicionog i tekućeg održavanja

4.3. Plaćanje po predmetnoj Presudi izvršiti prioritarno.

5. **Informacija o tužbama** (broj: 05-3435/23) od 26.05.2023.godine  
Podneskom (broj: 05-3435/23) od 26.05.2023.godine Upravni odbor je informisan o tužbama Narodnog pozorišta. U diskusiji koja je uslijedila konstatovano da tužba RTVBiH može opteretiti budžet Narodnog pozorišta.

6. **Žalba Mirnesa Hodžića** (broj: 3097/23) od 16.05.2023.godine na Odluku (broj: 05-3033/23) od 12.05.2023.godine o rezultatima javnog oglasa za popunu radnog mjesta: portir 1 izvršilac na neodređeno vrijeme i Odgovor na prigovor kandidatu Mirnesu Hodžiću od Komisije za prijem u radni odnos na radno mjesto: portir (broj: 03-3389/23) od 24.05.2023.godine

U svom Prigovoru kandidat Hodžić Mirnes navodi da je Komisija u svom radu netačno i pogrešno utvrdila činjenično stanje, pogrešno primjenila materijalni propis, pogrešno izvela zaključak, donjela Odluku, te zloupotrijebila službeni položaj tj. primanje kandidata u radni odnos.

Na navode iz prigovora kandidata Hodžić Mirnesa Komisija za prijem u radni odnos na radno mjesto: portir -1 izvršilac na neodređeno vrijeme, imenovana Odlukom direktora Pozorišta, broj:05-1755/23 od 16.03.2023. godine dostavila je Upravnom odboru Odgovor na prigovor - kandidata Hodžić Mirnesa, broj:05-3389/23 od 24.05.2023. godine.

Kandidat Hodžić Mirnes navodi da je Odluka odnosno pobijano Obaviještenje nezakonito navideći član 15. stav (4) Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj:10/23) koji kaže da kandidatima koji su učestvovali u postupku prijema u radni odnos, dostavlja pismena Obavijest o odluci o prijemu u radni odnos i uz Obavijest se dostavlja Lista uspješnih kandidata sa bodovima, te ističe da do 15.05.2023. godine nije dobio, nego je Odluku o prijemu u radni odnos na radno mjesto: portir -1 izvršilac, na neodređeno vrijeme i listu uspješnih kandidata našao na web stranici JU Narodno pozorište Sarajevo, te da u pobijanoj Odluci nije stavljena pouka o pravnom lijeku, pa time nije ni dato pravo žalbe.

Uvidom u knjigu poslani pošte utvrđeno je da je kandidatu Hodžić Mirnesu poslana Obavijest i Lista uspješnih kandidata preporučeno 12.05.2023. godine sa povratnicom, te je istu Hodžić Mirnes primio 18.05.2023. godine, što demantuje navode iznesene u prigovoru.

Kandidat pozivajući se na član 2. Zakona o diskriminaciji („Službeni glasnik BiH“, br. 59/2009 i 66/2016) i član 8. i 10. Zakona o radu („Službene novine Federacije BiH“, broj: 26/16 i 89/18) ističe prigovor diskriminacije, te navodi činjenicu da je uvidom u Registar zaposlenih u Javnom sektoru u Kantonu Sarajevo utvrdio da je prvorangirana Rondić Elma bila radnica Pozorišta.

Komisija je svom odgovoru odbacuje navode o diskriminaciji, ne sporeći činjenicu da je Rondić Elma radila u JU Narodno pozorište Sarajevo na poslovima radnog mjesta: referent u Javnim ustanovama kulture za organizaciju u Službi marketinga i propagande na određeno vrijeme po

osnovu Ugovora o radu broj: 05-8476/22 od 20.10.2022. godine, te na poslovima radnog mjesta: spremačica u Tehničkoj službi po osnovu Ugovora o radu na određeno vrijeme broj:05-5945/19 od 22.10.2019. godine, broj:05-3564/20 od 16.12.2020. godine i broj:05-588/21 od 16.03.2021. godine u skladu sa Uredbom o postupku prijema u radni odnos u javnom sektoru na teritoriji Kantona Sarajevo.

Kandidat Hodžić Mirnes problematizira kredibilnost bodovanja usmenog dijela ispita navodeći da je bodovanje Rondić Elme upitno, tvrdeći da niko od članova Komisije nije kompetentan niti stručan da za odgovore daje ocjene po principu 5,6 -4,3 -5,7 bodova.

Kandidat nije u mogućnosti utvrđivati kompetentnost Komisije nego poslodavac koji provodi proceduru prijema u radni odnos i imenuje Komisiju u skladu sa Uredbom o postupku prijema u radni odnos u javnom sektoru na teritoriji Kantona Sarajevo.

Komisija je kompletnu proceduru bodovanja kandidata provela u skladu sa odredbama članova 19., 20. i 21. Poslovnika o radu komisije za provođenje javnog oglasa za radno mjesto: portir – 1 izvršilac, na neodređeno vrijeme u JU Narodno pozorište Sarajevo, broj: 03 - 2244/23 od 06.04.2023. godine, na način da je predsjednik Komisije postavljao pitanja kandidatima a svi članovi Komisije su učestvovali u ocjenjivanju kandidata bodovima od 0 – 40. Poslovnik je u skladu sa članom 8. stav (9) Uredbe o postupku prijema u radni odnos u javnom sektoru na teritoriji Kantona Sarajevo objavljen na web stranici JU Narodno pozorište Sarajevo. Prosječna ocjena usmenog djela ispita dobila se zbrajanjem ocjena svakog člana Komisije i dijeljenjem sa broj članova Komisije /aritmetička sredina/.

Kandidat ističe prigovor pogrešne primjene materijalnog propisa, te navodi Uredbu o jedinstvenim kriterijima i pravilima zapošljavanja branilaca i članova njihovih porodica u institucijama u Kantonu Sarajevo, gradu Sarajevo i općinama u KS („Službene novine Kantona Sarajevo“, broj: 37/20 i 27/21), član 4. stav (5), gdje stoji: Pod pojmom članovi porodice demobiliziranog branitelja smatraju se lica definisana članom 3. Zakona o pravima demobiliziranih branilaca i članova njihovih porodica („Službene novine Federacije BiH“, broj: 54/19).

Komisija i ove navode odbacuje kao neutemeljene iz razloga jer se prilikom utvrđivanja dodatnih bodova kandidata vodila pomenutom Uredbom te pravilno primjenila materijalno pravo, prije svega **član. 3. (Korisnici prava)** Uredbe o jedinstvenim kriterijima i pravilima zapošljavanja branilaca i članova njihovih porodica u institucijama u Kantonu Sarajevo, gradu Sarajevo i općinama u KS („Službene novine Kantona Sarajevo“, broj: 37/20 i 27/21), koji kaže:

Pod braniocima i članovima njihovih porodica podrazumjevaju se lica iz člana 1. i 2. Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, broj 45/12- prečišćeni tekst, 26/14, 46/17, 18/19, 20/20 i 24/20-Ispravka) (u daljem tekstu:Zakon), **bez obzira na godine života dok su u skladu sa propisima iz oblasti radnih odnosa sposobni za rad.**

Korisnici prava u smislu ove uredbe su: članovi porodica šehida/poginulih, umrlih i nestalih branioaca prvenstveno djeca, ratni vojni invalidi i njihova djeca, djeca umrlih ratnih vojnih invalida, dobitnik ratnih priznanja i odlikovanja i njegova djeca i djeca poginulih, umrlih i nestalih dobitnika ratnog priznanja i odlikovanja, branilac, **demobilizirani branilac i njegova djeca**, dobrovoljac i njegova djeca, organizator otpora i njegova djeca, veteran i njegova djeca sa područja Kantona Sarajevo.

Korisnici prava po ovoj uredbi su lica iz stava (1) i (2) ovog člana koja imaju prijavljeno prebivalište/boravište u Kantonu Sarajevo.

Instrukcija o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama i Kantonu Sarajevo („Službene novine Kantona Sarajevo“, broj: 38/20 i 28/21 – Izmjene i dopune), član 2. (Vrednovanje), propisuje da se u zavisnosti o pripadnosti boračkoj populaciji, dodaju i dodatni bodovi, tako da se na ukupan broj prethodno ostvarenih bodova dodaje postotak od istih i to za:

„f) dijete demobiliziranog branitelja sa 1 godinom učešća u Oružanim snagama 16,4+0.1% za svaki mjesec učešća u Oružanim snagama (16,4-20%).“

Upravni odbor donosi odluku

6.1. Prigovor Hodžić Mirnesa broj: 3097/23 od 16.05.2023. godine na Odluku o prijemu u radni odnos na radno mjesto: portir -1 izvršilac na neodređeno vrijeme, broj: 05-3033/23 od 12.05.2023. godine, odbija se kao neosnovan.

6.2. Potvrđuje se u cjelosti Odluka o prijemu u radni odnos na radno mjesto: portir -1 izvršilac na neodređeno vrijeme, broj: 05-3033/23 od 12.05.2023. godine kandidata Rondić Elma.

Pravna pouka: Odluka Upravnog odbora JU Narodno pozorište Sarajevo je konačna i protiv iste nezadovoljni kandidat ima pravo podnošenja tužbe nadležnom sudu u roku od 30 dana od dana dostavljanja ove Odluke.

7. Odluka o raspisivanju javnog oglasa za prijem u radni odnos na neodređeno vrijeme u Javnoj ustanovi Narodno pozorište Sarajevo u Uredu direktora za radno mjesto: Lektor – 1 izvršilac. U skladu sa Odlukom Vlade Kantona Sarajevo o davanju saglasnosti Javnoj ustanovi Narodno pozorište Sarajevo za popunu upražnjenog radnog mjesta (broj: 02-04-19964-10/23) od 11.05.2023. godine

Upravni odbor donosi Odluku o raspisivanju javnog oglasa za prijem u radni odnos na neodređeno vrijeme u Javnoj ustanovi Narodno pozorište Sarajevo u Uredu direktora za radno mjesto: Lektor – 1 izvršilac. U skladu sa Odlukom Vlade Kantona Sarajevo o davanju saglasnosti Javnoj ustanovi Narodno pozorište Sarajevo za popunu upražnjenog radnog mjesta (broj: 02-04-19964-10/23) od 11.05.2023. godine.

8. Usvajanje liste zvanica za premijeru i prvu reprizu baletne predstave (broj: 04A-3463/23) od 26.05.2023.godine

U sklopu nadzora nad zakonitošću rada JU Narodno pozorište Sarajevo, posebno nad finansijskim poslovanjem, a u skladu sa odredbama Zakona o ustanovama, te Pravilnikom o načinu prodaje ulaznica i utvrđivanju kriterija za dodjelu gratis ulaznica i pozivnica (broj: 05-4250/19) od 24.06.2019.godine, kojim se utvrđuje da direktor može raspolagati sa ograničenim brojem gratis ulaznica (10%), te na osnovu Zahtjeva Službe Marketing i propaganda (broj: 04A-3463/23) od 26.05.2023.godine, a naročito iz razloga što ukupna vrijednost gratis ulaznica na godišnjem nivou prelazi 5.000,00 KM, Upravni odbor donosi odluku kojom se 8.1. usvaja Protokolarna lista za premijeru baleta *Giselle* (broj: 04A-3463/23) od 26.05.2023.godine, kojom se utvrđuje ukupno 328 gratis ulaznica za goste na premijeri koja će se održati 09.06.2023.godine.

2.2. Utvrđuje se 100 gratis ulaznica za prvu reprizu koja će se održati na dan 10.06.2023.godine po zahtjevu (broj: 04A-3463/23) od 26.05.2023.godine.

### **9. Tekuća pitanja**

**9.1.** Upravni odbor je informisan o sastanku sa ministricom Sanjom Vlaisavljić kojem su pored direktora Pozorišta prisustvovali predsjednica Upravnog odbora i predsjednik Umjetničkog savjeta. Na sastanku je dogovoreno da Pozorište uputi inicijativu da umjetnički ansambali Opere i Baleta Narodnog pozorišta budu uključeni u tekuće transfere utvrđene proračunom Federacije Bosne i Hercegovine na godišnjem nivou – Institucije kulture od značaja za Bosnu i Hercegovinu, što je i učinjeno.


**Sve odluke i zaključci doneseni jednoglasno.**

**Sjednica održana u Biblioteci Pozorišta.**

Trajanje sjednice: 10,00 do 12,00h

#### **Članovi Upravnog odbora:**

Amila Ramović  
Selma Dalipagić  
Mirza Pašić  
Aleksandar Seksan

  
predsjednica Upravnog odbora  
EDINA PAPO

Dostaviti: članovi Upravnog odbora

- Ministarstvo kulture i sporta Kantona Sarajevo, Pravna i kadrovska služba, web.nps.ba i a/a